

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08) i člana 24. stav (3) Zakona o srednjem obrazovanju („Službeni glasnik Unsko-sanskog kantona“, broj:17/12), na prijedlog Ministarstva obrazovanja, nauke, kulture i sporta, Vlada Unsko-sanskog kantona na sjednici održanoj d o n o s i:

IZMJENE I DOPUNE PEDAGOŠKIH STANDARDA I NORMATIVA ZA SREDNJE OBRAZOVANJE

I

U Pedagoškim standardima i normativima za srednje obrazovanje („Službeni glasnik Unsko-sanskog kantona“, broj: 14/04, 12/10, 8/11 i 17/14) u Poglavlju 1. ELEMENTI RAZVIJENOSTI ŠKOLE/ŠKOLSKOG CENTRA/ĐAČKOG DOMA – VELIČINA SREDNJE ŠKOLE/ŠKOLSKOG CENTRA/ĐAČKOG DOMA, ispod tabele dodaje se novi stav (3) koji glasi:

„(3) Uz saglasnost ministra Ministarstva obrazovanja, nauke, kulture i sporta srednja škola/đački dom u nedovoljno razvijenim i povratničkim jedinicama lokalne samouprave, brdsko-planinskim i pograničnim područjima, te privatne škole mogu se organizirati i s manjim brojem odjeljenja/grupa od minimalnog broja“.

II

U Poglavlju 1. ELEMENTI RAZVIJENOSTI ŠKOLE/ŠKOLSKOG CENTRA/ĐAČKOG DOMA – BROJ UČENIKA U ODJELJENJU, GRUPI, KLASI I GRUPI PRAKTIČNE NASTAVE – GIMNAZIJA, TEHNIČKA I SRODNA STRUČNA I MJEŠOVITA ŠKOLA, u tabeli riječi „Broj učenika sa posebnim obrazovnim potrebama u redovnom odjeljenju“ se brišu.

U istoj tabeli brojevi 1. i 3. se brišu.

III

U Poglavlju 1. ELEMENTI RAZVIJENOSTI ŠKOLE/ŠKOLSKOG CENTRA/ĐAČKOG DOMA – BROJ UČENIKA U ODJELJENJU, GRUPI, KLASI I GRUPI PRAKTIČNE NASTAVE – GIMNAZIJA, TEHNIČKA I SRODNA STRUČNA I MJEŠOVITA ŠKOLA, tekst ispod tabele „Ukoliko je broj učenika jednog odjeljenja/grupe manji od propisanog minimuma, škola je dužna organizirati instruktivnu nastavu sa 50% sati iz NPiP.

Ako redovno odjeljenje ima učenika sa posebnim potrebama, broj učenika u redovnom odjeljenju se smanjuje za 3 za svakog učenika sa posebnim potrebama.

Napomena: Propisani broj se u ovisnosti od vrste, može mijenjati u skladu sa propisanim odlukama ministra.“ mijenja se i glasi:

„Ministar može, u izuzetnim okolnostima, dati saglasnost za formiranje odjeljenja sa manjim ili većim brojem učenika od propisanog za školsku godinu.

Ako redovno odjeljenje ima 1 do 3 učenike sa teškoćama u razvoju, broj učenika u odjeljenju se smanjuje samo u slučaju da za tu djecu nisu odobreni asistenti, a djeca posjeduju dokumentaciju o statusu osobe sa razvojnim teškoćama.

Broj djece u odjeljenju se umanjuje proporcionalno broju djece sa razvojnim teškoćama.

U jednom odjeljenju/grupi u pravilu obrazuju se učenici za jedno zanimanje.

Uz saglasnost ministra u jednom odjeljenju mogu se obrazovati učenici za najviše dva srodna zanimanja, s tim da je u odjeljenju najmanje 12 učenika istog zanimanja.“

IV

Poglavlje „ŠKOLA ZA DJECU SA POSEBNIM POTREBAMA“ i „TABELA“ se brišu.

V

U Poglavlju PREGLED OBAVEZA NASTAVNIKA U OKVIRU RADNE SEDMICE ZA PUNU NASTAVNU NORMU – UTVRĐIVANJE NORME NASTAVNIKA PREMA NASTAVNIM PREDMETIMA , ispod tabele, iza stava (1) dodaje se stav (2).

„(2)Zbog usklađivanja nastavne norme nekih nastavnih predmeta sa brojem sati u nastavnom planu i programu, razlika od 1 i 2 sata se može nadoknaditi pripremnom nastavom za upis na fakultet, radom sa nadarenom djecom, učešćem u timu škole za razvojno planiranje, i radom na profesionalnoj orijentaciji“.

Dosadašnji stav (2) postaje stav (3).

Ispod teksta „Napomena“, tačka a) briše se.

VI

Izmjene i dopune Pedagoških standarda i normativa za srednje obrazovanje stupaju na snagu danom donošenja i objavit će se u Službenom glasniku Unsko-sanskog kantona.

Premijer Kantona
mr. sci. Husein Rošić